

- Unus eis animus, quamquam non unica virtus,
360 Perdere nos liscunt, ac morti tradere querunt;
Quid datis auxillii rabiosae obsistere genti?
Non pugnant manibus, non arcus tenditur ullus,
Missile non jacitur, nec funda saxa rotantur,
Non sunt pennigeri pugnaces insidiosi,
365 Nam neque calce lupus neque quemquam dente
petit bos;
Absit solus aper et corniger utique cervus,
His cornu bellum cum dentis acumine saevum,
Insistunt antro, non decidet ariete crebro,
Non patet ascensus, nec scandit ridiculus mus.
370 Sed vereor vulpem solitum turbare bitumen,
Non solitum potest, plures sibi jungere gaudet,
Ad me perdendum vigilavit cura suorum;
Praevaralet in quantum cumulavit ipsa tumultum,
Si desunt vires, regnabunt undique fraudes.
375 Mortua sit vulpi versutia decipiendi!
Namque duo famuli nullo terrore subacti,
Libere respondent, dicto talique coherent:
'Non simus injusti, neque talibus associati.
Culpis gestorum, quae dampnent more reorum,
380 Ex his nullus erit, qui nos convincere possit
Sanguine de fratribus, nec non de morte parentis.
Coelibis illaesam cupientes ducere vitam
Grates factori persolvimus omnipotenti,
Leges qui statuit, facti moderamina jussit.
385 Quae dare non poteras, hostili jure tenebas,
Nobis jurabas, ex hoc tibi consociaras,
Annis jam septem vis non incurrere mortem,
Non ita promeriti, sic nos opponere morti,
Fraudibus in vulpis quae sit tibi cura timoris,

377 libera A.